





岳宗禪師者余外家姚氏子

少業儒僑居白門姚氏固江

左崔盧岳公獨性喜佛氏教

遂剃度於白曲西來國公素

積道風日精寔義瓢笠五淮

陰桂錫湛真禪院康迎四十

七年

翠華南狩湛真住持朗公迎

駕河干奏對稱

旨

賜以

御書時岳公為首座同覲

天禎越數載老僧示寂而岳公遂

主法席風徽高扇名動遠邇

闡堂說戒道似歸趨文士達

官咸與結契爰以解帶布金

以積式廓精藍凡三身之座四

天之閣十八應真之位以及禪

室講堂長老居疾庀廡廩
無不畢具湛生倏然淮陽一夫
藜林而岳公之誠然東南一老
者宿矣研求法藏之暇或緣
性觸興文采灑落得詩若干
首介吾弟范衣問序於余

閱之喜其詞清致逸純任自於
不事雕績無塵土氣之無蔬
筍氣噫此其以以為姚氏子歟
而或者謂自唐以來士大夫爭
以排釋老為事故昌黎贈靈師
詩有云齋民逃賦役高士著幽

禪官吏不之制約、聽其然
靈沙皇甫姓、僧曹本、蜂、恥、意
以名家子、固不應為僧也、或又
謂瑜伽氏戒、綺、語、老、泉、於、唐
詩僧文暢之徒、謂其飲酒食肉
自絕於其教、以求知於吾士、大

夫之間、意以為僧、又不應為詩
也、余皆不謂然、三教並存、其來
久矣、各極其致、舉可造聖賢地
是以皎然為靈運十世孫、頑真
師事、應物益重之、相與鼎倡、無
可為浪僂、從弟與浪仙、齋名廣

宣康氏子與劉禹錫善為內供
奉有紅樓集惠洪新昌起氏
禪學家滌翁通書史與陳了
翁黃山谷為友有甘露林曾諸
集道潛姓王字參藥陳師道
送別序稱為釋門之表士林之

秀而詩苑之雄蘇子瞻作參
窠泉銘由此觀之詩固無物
其為僧、固無妨其為名家
子也又况岳公以名家子而從
僧而詩而素積道風而日精
寔義而主東南之法席乎余

塵鞅羈絆不能為入社之宏雷
而萍詢之詞復免難爾支遁
它日者倘相遇於世內外間
岳公其六葭莩我耶抑六鷗
鳥我耶我不敢知也聊為題數
語藉其弟以悔之康熙六十

一年歲次壬寅孟秋月中浣硯
齋張廷玉題



妙叶堂詩鈔

龍眠釋

燈岱

岳宗著

偶然作

和本師老人韻

茆茨隱廢墟
衡門依薄田
晝永耘耨疲
且在花下
眠碧蘚成茵
褥草衣聊覆
肩仰視檐前
樹不知幾
千年落英如
可挹亦如水
逝川飢驅思
加餐杖撓
溪口船溪中
有菱荇根蒂
相牽連採摘
不盈把良
勝空筐還

逍遙人境外
浩然成野夫
恩怨罕曾聞
那復知艱
虞貧賤固無
匹樂與樵漁
俱登高覽清
曠無煩念

帝都回瞻碧溪裏晴日長菰蒲蒲葉鳴長風蒲根
浴雙鳧觸興自成趣誰論智與愚

山居春曉

風香落數花谷響鳴雙鳥怪石峙屋角寒煙生樹
杪機忘鳥獸閒門前溪水繞就溪酌杯水情意俱
縹緲未必桃源裏如此能深窅

秋山漫興

秋到天涯久砧聲動客初山空涼露重門掩算鐘
徐黃葉自高下白雲時卷舒機閒羣籟息高枕一
牀書

釣魚臺

英雄束手困塵埃忍餓城邊把釣來幸遇漢王求
大將不虛漂母識奇才會兵破楚遲何意躡足封
齊怨已胎獨撫殘碑空灑泪西風落日滿荒臺

枚臯里

梁園賓客重當時公論曾將父子推文采消亡餘
故里桑田更變有遺碑上書應笑鄒陽拙賣賦空
憐司馬癡落日隄邊閒悵望風流千載繫相思

劉伶臺

東郊散步淨無塵長揖荒祠弔伯倫晉代風流千

古在淮城興廢幾番新
拘牽禮法非吾輩
脫略形骸是醉人一
鋪一車生死畢
青山何處不埋身

王喬井

留仙井在濁河干
王子曾傳此煉丹
繞徑片雲飛漠漠
循欄流水自漫漫
藥爐把守聞憑虎
洞府招尋憶駕鸞
今日仙人何處去
青山無恙碧天寒

陸丞相祠

南遷寸土已無存
回首厓山痛莫論
此日荒祠薦蘋藻
當年壯志總乾坤
四郊不守天關覆
一木難支地軸翻
歎息同心沉大海

謂張將軍世傑

波濤千載咽忠

魂

程將軍墓

諱智節唐將

紫霄宮在女牆邊
却與將軍古墓連
寂寂土墳空落月
蕭蕭石馬已生煙
神仙尚有詩堪讀
大帥曾無事可傳
千古英雄同夢夢
西風倚杖問青天

公路浦

漢家四世位三公
只有諸素望最隆
董卓既亡安百辟
曹瞞繼起歷羣雄
紛紛僭竊成何用
忽忽誅夷總是空
留得浦名供指摘
一杯誰與酌西風

鉢池山

山澤湖邊水滿陂王喬煉斷是何時誰云僊去猶
埋鉢聞道花開自有池野寺寂寥空茂草高樓頽
廢剩荒基自從舍衛無人托化作長淮老古錐

題楚章兄結茅圖

白岳茅齋結幾時披圖不禁動相思半龕雪屋君
歸早兩鬢秋霜我去遲翻轉石田同下粟收將蕉
葉獨題詩無聲笑指爐灰內芋正香時知不知

尹半檐布衣留宿西雨樓

布衣身價重南州短榻香茶慰倦游白眼幾曾一
日醒清談直到五更休孤邨斷岸人同夢古寺鐘

殘月滿樓我本瞿曇門下客送君亦復動離愁

張止菴見過

疎林客到正秋清笑啓松關倒屣迎無可詩才空
見賞曲江風度久知名橫天白雁飛無際繞坐黃
花看有情欲向虎溪重結社不妨釀秫待淵明

曉望寄樹宗兄

望裏蒼茫柳作煙射陽湖在海東邊林泉韻事疎
三笑石火光陰別四年青眼弟兄新冷落

謂印恒楚樵諸兄

白頭師友舊周旋

謂覺津老人時主席永寧

閒情可復還如昨題

咏何妨寄幾篇

哭親

高堂辭早歲行作水雲僧問法千山遍思親百感
增書空江上雁衣綴佛前燈想到離家日中宵自
撫膺

親舍在何處無從望白雲夢魂如可接馨歎或相
聞只道歲年隔那知生死分殘燈枯坐處血淚落
紛紛

煙水參尋遠纔能穩脚跟瓢將進異果香不返孤
魂一指幸傳法千身莫報恩墓門何日拜衰草滿
荒原

青箱徒志苦白足轉心悲出家原棄同胞戶可
支未經衾絞事兼廢蓼莪詩一卷楞伽誦泉臺仰
佛持

家息園太守招看誰園牡丹分得八庚

恰喜東風雨後晴尋芳曉過楚州城牡丹豔趁三
春放太守閒驅五馬行園內名花看爛熳座中佳
客賦清平余非薙髮長持戒罰酒頻催詩不成

寄懷張鞠人刺史

先生清况近如何老去深情向薜蘿石徑晝閒人
迹少茅齋樹密鳥聲多探梅遠發孤山興散髮還

吟泌水歌曳杖相尋應有日肯教春色又蹉跎

喜楚樵弟受囑晚香和尚漫賦兼呈老人

於今相馬得驪黃千里來歸繼晚香入室弟兄端

有賴傳燈家世不無光紙窗淡照疎林月襟被深

寒午夜霜九鼎天涯同荷負吾師自可卧羲皇

與余公佩先生

萬木藏幽寺因知靜者心一窗閒白晝半壁掛焦

琴閱世煙雲冷逃禪歲月深其中清意遠止可話

知音

移竹

子猷雖暫客肯負此閒居帶濕移新竹深培傍敞

廬綠陰侵戶曉碧色上窗初風雨蕭蕭夜清吟興

有餘

典書

鶉衣渾欲盡籌畫典殘書夜雨憑誰對空囊值歲

除兔園甘棄置鄴架起欹歔閒殺青燈下遽然一

夢餘

病中喜張南邨先生見過

病卧荒城外驚聞長者來強扶童子起喜把竹籬

開瘦骨憐池鶴閒情托嶺梅尚能輕老步曲折踏

蒼苔

擬偕恒印兄入黃山結茅

入世慙無策歸山幸有鄰相將成小築準擬置閒
身寬水從青嶂編籬護綠筠煩囂應不到花雨四
時春

送本師老和尚晚香住靜

曉過河東墅綠堤桃李花逕由芳草入門對板橋
斜幻世聊投足浮雲暫寄家空亭題半舫高處領
煙霞

送雲客汪先生歸山陽

枚里從君日分飛又十年相逢俱老矣再別益悽
然葉墮江城雨帆開楚甸煙家書憑遠寄鴻雁正
秋天

歲暮集樹下居

別業饒幽致吾師寄一筇瓶梅香靜夜霜月冷疎
鐘無累能安步開懷自展容長宵依樹下溫語慰
殘冬

示問耕姪

耕讀吾家事江村遠是非自應安樸素莫妄念輕
肥不寐凭圓木耽貧樂敝衣深思先世業清白守

柴扉

與翰如禪師

鐵甕城南古寺多，蒼峰翠竹近如何。
君已得幽栖地，好結茅堂待我過。

喜張石虹太史見過

芒鞋竹杖浙西東，曾覩先生棘院中。
雲水豈能瞻北斗，山堂何幸對春風。
環谿嫩柳煙初綠，傍閣疎梅雨正紅。
景物及春無限好，日斜相伴語從容。

附石虹太史和韻詩香臺擬似虎溪東，寶地初成結構雄。步履每隨鐘送月，聽經頻到塵生風。庭前柏子迎人翠，句裏梅花餉客紅。三復清吟水共雪，不知何處是塵容。

悅堂法兄為先師塔事從閩來淮過，余夜話
小雨初晴煙柳新，空邨薄夜到同人。
溪山出處關心遠，師友存亡繫念真。
夢入遙青芳草路，茶分雀舌武夷春。
不知靈塔歸何地，潭北湘南易愴神。

夜聞啼鳥

一鳥不知從何而至，攬身柳叢，晝則泯焉斂聲，宵則呼嚶弗止，似悲莫之所向者，夜聞誌感。

爾亦緣何事，悲鳴向柳陰。
雕籠知幸脫，金彈恐猶侵。
孤枕聲偏擾，閒窗思不禁。
欲求安飲啄，惟有入山林。

新柳步履兄韻

纔藉春風力，長條尚未齊。
盈盈籠水淺，冉冉拂煙

低待唱黃金縷將停碧玉蹄看他桃李放掩映綠
成蹊

次雪蓬見訪韻

遯跡渾忘節序催扁舟訪我白雲隈數聲好鳥啼
芳樹一派清流繞釣臺轉眼青山隨意去驚心白
髮上頭來西溪東泖閒相約破浪扁舟趁曉開

答憩堂法師韻

曩時聚首寶華峰廿載追思電影空片月移來黃
葉裏千山飛去白雲中當前妙用常懸鑑徹底靈
機不露風今日相看成老大敢辭送過虎溪東

贈拙存上人

幽人栖隱處景物自悠然竹護齋廚冷花藏佛閣
妍野泉清可掬春色遠還連時與二三子談詩老
樹邊

西來國和尚上供偈

甲申元旦後八日歸省受業師於句
曲舟次邢江得示寂信不勝悽愴

發到院見影堂寂寞遺像儼然淚泫泫下再拜設供陳哀
六章用表所自兼示同門弟姪庶知先人創業之不易云

旭日晴江鼓棹歸隔堤春暖草芳菲舟人指點還
鄉路煙外金焦望翠微
人間天上意茫然小子矜辨孰與憐記取師翁真
面目一龕燈火照枯禪

萍踪南北總堪悲
定省常違罪莫辭
水闊江寒歸路遠
天教生死永分離

熒熒游子失家琛
辛苦奔馳向外尋
縱使鴛鴦能繡出
倩誰雙線度金針

紺殿瓊樓一望深
廿年往事幾晴陰
吾曹此日同消受
瓦礫皆經祖父心

後人努力不須哀
池裏青蓮著意栽
潭北湘南天地遠
就中紅塔見西來

弔駱賓王墓和韻

詞客風流不再來
翻悲女主解憐才
可憐草檄終

無事痛哭先生土
一堆

聞蟬獄底動哀吟
去振靈山老法音
不事僞周逃海外
清高更勝漢陳琳

義烏遯跡寄高僧
下地千年滅漆燈
到底文光埋不住
却從野老現吳陵

斗酒澆墳淚不禁
中原詞賦最傷心
於今滿地黃花冷
更有誰來冒雨尋

懷誕登清兄乞食彭城

飢驅人作客
久別意悽然
落葉荒村裏
西風古渡前
雁行書久斷
秋水夢空懸
早賦歸山句
黃花老

澗邊

別宜巖兄

水乳論交好弟兄廿年聚首各關情如何別向秋
風裏月冷江空雁一聲

孟兄大來自金陵至留宿西雨樓夜話

繞樹飛烏鵲孤雲到處家親知離故國兄弟聚天
涯西雨樓中夢秦淮河上花枝頭春自在老大不
須嗟

答郭聽菴原韻

何緣命駕過淮南不厭長齋共佛龕十里香風開

古逕一輪白月照清潭敢將非有留君坐乞取無
邪與客參辜負昌黎憐且愛嬾同賈島謝瞿曇

附原倡詩泥橋有客汎淮南西雨長留共古龕已快談詩君得伴何妨
對月我成三淵明修靜情堪結山谷東坡法許參今日逢迎非浪漫特
從蘭若
禮瞿曇

送應山二弟歸里

身如落葉墮空林故國無窮不了心親塚久荒狐
兔窟一番回首一沾襟

答山中人

久負山中約行藏只自憐貧無錐可卓夜有夢空
懸衣破垂千結書殘剩半肩故人如待我好信寄

來年

燈夜寄誕登

龕燈隱隱坐松關
月去雲來鎮日間
未得蒲團經七破
一江不見隔千山

同尹半檐踏雪訪誕登用半檐韻

素江舊路幾回還
今日重尋到此間
草徑雪深埋不見
松扉春冷晝常關
知音情重能留客
經歲人來自破顏
幾樹梅花開雪霽
一痕新月淡寒山

喜成紫瀾先生過訪

相逢何主又何賓
客聚天涯分外親
我欲燒猪邀

好客恐教噉殺學禪人

年來無夢入京華
澤國堪憐歸思賒
一自溪橋相送後
湖風湖雨冷蒹葭

附和詩禮數何嘗泥主賓到門相見即相親非關脫略忘拘束指點源流是故人只緣夕菱歎朝華誰道人生樂事賒看取雙九天外擲井梧落盡又飛葭

寄東海宜和尚

蒼梧五百里東海
隔煙波春老歸鴻盡
山高客夢多
櫻桃花似雨楊柳葉如蓑
兩地貧兼病相思奈若何

題先老人畫

古剎參天掩白雲揮毫直欲動星文銀鈎鐵畫驚
風雨寫破羊欣白練裙

於今風雨哭青山天際煙雲去不還筆墨淋漓千
載後尚留遺跡在人間

悅堂法兄由閩中來下榻兩月北游燕山復
歸閩海道出雙溪漫成贈別

箬笠南歸帶軟塵西風留與啖秋尊布帆重掛湖
頭去楚水吳山隔故人

送朱放眉還大伊山

客自伊山至空堂十日留新詩聯午夜明月共高

樓送別情翻重相思夢亦愁可憐分手日衰颯况

三秋

生日

歲歲生辰集素心小軒淨埽亦開襟今年抱病淮
南卧絕少鶯花斷客尋

驚看荷葉出田田風雨聲中又一年昨夜夢歸芳
草路秣陵關鎖大江邊

漫成

十尺古剎藤臨書心曲亂起身望白雲白雲中忽
斷

月落我未眠日出我先起寂寂無人聲西樓寒自倚

品茶

汲得中冷水新烹霍嶺春舌底分高下方成知味人

讀史

筆削權原重誰能具眼青讀殘廿一史終不及麀經

次尹半檐兄留宿西雨樓韻

一雨兩三日涼生似早秋故人來北道同我宿西

樓高樹青如洗層檐翠欲流深情生感處無酒喜能留

克麀往都門詩以勉之

久無燕市夢汝去欲何為路隔三千里情深十二時聽鐘蕭寺遠冒暑蹇驢遲青笠蒙塵面荒涼許自知

同敘天宿淡衣園

置身高閣上眺遠杳無涯古木臨秋水新晴見暮霞賞心同客夢信宿在山家不是忘歸去園林有菊花

東家息園太守公

朱轡猶記過祇林玉屑霏霏愜素心幾欲扁舟來
問字清溪十里一篙深

與尹半檐夜坐

紅火燒黃葉青燈照白頭重來留榻處還是舊西
樓

友木齋徐鉢山兩先生過訪次韻

臨溪照影鬢添霜未許幽思入夜長伏櫪何妨成
老大買山亦自覺顛狂月明古寺鐘初定梅放寒
巖雪更香只此儘堪消受去漫勞好客問行藏

聞尹半檐發袁江訪清兄中塗遇雨却寄

十日山樓念友生行行不復計陰晴春雲一片寒
多雨江浦孤帆遠隔城細草吐青尋有跡疎梅墮
白聽無聲懸知今夜松窗下共說相思直到明

梨花二弟應山索書

一片晴雲帶雪飛幾番輕欲點苔衣東風吹亂沾
泥濕燕子低銜畫棟歸

甓社晚泊

甓社湖連雲水寬孤舟夜泊夢難安波濤萬頃驚
人聽那有珠光讓客看

客邗江鉢山以詩見懷次韻奉答

獨向邗江去誰人憶別離
帆分前路雨花謝隔宵
枝蕭寺孤懸夢奚囊小貯詩
十年不到地訪舊步
多遲

乘閒登古塔南望指家山
縹緲煙雲際迷漫江水
間鄉心依白下客思滿
萸灣知己勞存問裁詩寄
竹關

懷尹半檐仍和鉢山韻

松關欲設嬾逢迎到底難忘故
舊情愧我碧巖深
處老憐君白髮滿頭生荷開
殘暑香猶在蟬噪新

秋夢不成太息有才空鹿鹿
幾時避世學埋名

送何孝廉楚才歸蜀

杜宇蠶叢路艱難此日歸千山
悲有淚九月賦無
衣客夢猿啼斷鄉書雁寄稀
南行天漸煖莫畏雪
花飛

沈方舟陳求夏兩先生見過即次原韻

郊外荒居遠悠然二老過柴門
低碍樹苔逕野臨
河天冷日光淡秋深木葉多
奈何歸去早容易別
煙蘿

懷家息園太守

如川堂詩集
正値韶光二月天順流南送使君船草鋪建業青
無奈梅謝吳宮白可憐弔古兩都揮彩筆尋山五
馬破春煙自慙方外追陪少望斷江雲落照邊

懷尹半檐布衣同家息園太守游姑蘇

南行又赴使君招去去來來不憚遙帶月一帆懸
楚水乘風兩日到臯橋花開銅井晴看雪舟泊吳
江夜聽潮二十四番春色老誰憐望斷柳千條

將之維揚答及木齋先生送別韻

買得扁舟邗上行故人落落少逢迎冬來月色連
沙白夜去河聲入枕清古寺寒梅開有意遠邨凍

柳折無情還山不待春風動此際依依百感生

元旦後五日同家息園太守暨諸名士過誕

登訪履石和尚分得十四寒

東風吹面冷曉色怯春寒砌草青初發庭梅白可
看到來塗路遠望去水雲寬繇劇偏休暇從容盡
日歡

朱田叔司馬招家息園太守陳求夏廣文暨

諸名士集仍園分韻

賞秋誰郭外太守過仍園橋落游人影池存涸水
痕鐘聲來古寺野色到柴門瀟灑無拘束高低坐

石根

巡圃

沙圃河堤外春流引作渠及時勞灌溉努力費耕
鋤香自根中出青從葉上舒辛勤思下箸清味問
何如

次靈谷韞白和尚過贈原韻

枚臯宅畔古黃河一到深秋落葉多何事才來忙
便去看君歸棹出煙蘿

懷徹源和尚

近接邗江信扁舟早晚歸流亡盈道路風雨冷緇
衣瘠土梅多瘦寒沙草不肥出山經兩月常使夢
依依

題張兆慶小照

君家族氏出留侯辟穀應從物外遊何事長淮愛
秋水也來磯畔學垂鈎

哭覺津天老和尚

攝山三月隔音容雲遠江天夢萬重忽聽一聲風
拔樹驚凋南指十圍松

憶昔雲游侍石城桃花初放雨初晴烏龍潭上春
深淺故國祗徧最有情

瞬息光陰三十年科頭弟子鬢蒼然回思當日閒
懷抱難覩高天月再圓

覺津古寺近河頭來往扁舟容易遊此後夕陽人
已逝一回喚渡一回愁

再拜慈顏欲語難辦香手熱更心酸老人原具廣
長舌記取蓮花出瓦棺

懷程雨來孝廉

燈花懸棗大多爲故人開臘盡頻催別春明望早
來東風拂嫩柳夜雨長新苔燕市愁霜雪行應戀
酒杯

贈楊淇益廣文

盛世宗師範高賢起客星文開蕭子國學本草玄
亭議論原三代詩華自六經招提鄰只尺常借眼
垂青

次鐵夫和尚見贈原韻

乍開曉霧細濛濛初日春生東望中蠟屐齒殘新
徑草梅花香度古樓風寺深萬柳雙溪合冰泮三
城一水通慚媿山陰勞訪戴相留爐火坐談空

送克麇書記之粵東謁楊月峰制府

聲聲旅雁叫西東獨向天南孰與同好裏經書投

地主漫驚風雪憶山翁珠江路指千山外枚里家
遙一夢中到日梁侯應問我爲言槁木倚霜風

人日北山社兄過訪得人字

趁晴閒步好佳興集芳春徑雪殘遊屐梅花識故
人坐因長晝永情到老來真待客無兼味新年甌
欲塵

送旦衡弟

兩地隔城同作客幾年聚首最關情聯牀曾共聽
風雨握手何堪送弟兄慘淡渡頭楊柳色淒其天
外鵲鷓聲不知從此相思夢可到雙溪看月明

和韻寄張元子

望斷江雲憶舊游南淮無故久淹留別來添得一
頭雪老去應悲九月秋交訂死生心未變人傷存
歿淚先流

尊人南邨先生令弟
正子兄俱別後下世

扁舟何日還鄉井好向茆

堂話客愁

訪許都諫謹齋

未合東山老此身徵車指日拂征塵姓名不用金
甌卜原是楓宸夢裏人

祀竈

只解然燈照夜過不知司命醉如何人間原自多

如叶堂詩集
三
虛耗天上將無笑，刹那一勺清泉貧。不媚滿腔熱血老，成魔百年香積長。相送可惜韶華快，似梭

除夕同諸子分韻

彈指年華盡，流光歎易過。東風未解凍，溪水不生波。火爇松柴少，盤堆白菜多。詩神無酒祭，賈島待如何。

春初雨後喜半檐履石二兄留宿西雨樓得

五歌

咫尺難常聚，欣逢二老過。古梅同我瘦，白髮比君多。雨乍滋苔蘚，春仍上薜蘿。不因憐別久，那得放

高歌

寄旦衡二弟

兩得平安信，眉開勝萬金。艱難因路遠，老大更情深。總是他鄉客，空懷故國心。吾家端恃汝，莫易動悲吟。

丙申春將歸故里埽先人隴墓時予五十初

度

百歲流光石火明，年華五十愧虛生。鬚眉空向他鄉老，瓢笠還思故國行。芳草路遙春漸暖，長江水長岸初平。白雲隴首歸心急，無奈青山隔幾程。

和朱自觀見贈原韻

涉世同蕉鹿生涯幾卷書何期長者轍來叩野人
居試茗香芽嫩調羹菜甲舒佐談渾不倦斜日下
堦除

哭克麇書記

有序

書記字克麇胡姓淮陰人也 兩粵制府楊公
月峰昔任淮之副總戎其次子許出家於湛真
寺後以書記代之書記凝厚端謹精進佛典閒
究詩史制府甚加器重比年往省戟門涉歷閩
粵今試燈前歸旋患疽不起傷哉和淚成詩用

志哀悼

老人日日倚柴扉目極南雲望汝歸何幸試燈前
幾日拂殘香雪卸征衣

五千里路去羊城高嶺巒岼未易行因汝幾年行
脚慣不將長短算王程

膏盡春燈對短檠依依不寐話三更傳言制府朝
天去指日牙幢返帝京

太息無端患口疽求方問藥病難除始知多少岐
黃客誤盡蒼生一卷書

正曉初亡汝又殂三年兩度哭吾徒明知生死悲

無益老淚偏教滴已枯

開箱搜得一函詩何事生前說未知
髣髴賀囊心血漬不徒鐘磬禮牟尼

將返江東埽先師靈塔留別半檐先生履石

和尚

淮海孤飛類野鴻栖栖久不返江東
年華已老他鄉外隴墓常懸遠
夢中芒履曉霑青草露布帆春
挂綠楊風應知雲樹懷人處別後
相思兩地同

張容谷別駕招集柳衣園兼送郭于功內直

還朝

曲江招客醉金卮正是條風拂檻時
即席廣平能作賦梅花不用美人司

長淮冰泮綠生波指日朝天發棹歌
我有籍咸煩

寄語

謂家息園
叔旦衡弟

青山無恙老頭陀

奉懷家息園觀察

淮陰握別已三年迢遞燕山悵遠天
百萬蒼生齊引領使星何日再高懸

雙溪難得使車過甘老柴門卧薜蘿
北望新詩應寄我西風吹雁一行多

空齋寂寂儼孤邨猶子長懷昔日恩
多少晨星零

落盡天涯只有信陵存

喜尹半檐至

落葉淮陰道扁舟獨放時
三秋勞遠夢半夜話離
思爐火生香細山鐘到枕遲
白頭狂客老青眼幾
人知

哭本寺開山老和尚

罡風忽地起諸天劫火炎
燒舌上蓮痛哭西歸留
不住却從今日憶當年
二十初心擬進修
三吳兩浙徧參求
衣珠覓得歸
來日話向堂前歎白頭

翠華南下駐淮濱
宸翰更名賜湛真
金碧輝煌

光宇宙頓教梵刹一時新

蟬蛻臨時說偈終雲堂
六月起悲風雙林法座當
前在四大誰云本是空

輓傅公子次馬高陵先生原韻

微疴初示警危急幾人嫌
醫聚惟搔首親憂但撚
髯送麀原可異化鶴復何謙
最苦彌留日徬徨執
指尖

懷永寧履兄即用舟中見寄原韻

尚憶垂髫日於今黃髮皤
千山圍雨雪十月走關

河跋涉愁空老相思夢較多江湖誰說險陸地更
風波

舟過毘陵懷程斗文孝廉

客路愁無賴舟中喜晚晴鴉驚落葉影鐘渡隔江
聲萬樹斜陽冷一帆秋水清故人栖隱處望斷暮
雲橫

舟過丹陽

薄暮莫維舟歸心不少留曉風寒刺面孤月冷當
頭丁卯橋難覓丹陽市惹愁所思人隔遠誰與話
綢繆

與南喬法姪兼柬公佩余先生

博山法道重南都五葉光明貫帝珠繼起一人非

細事

時公欲卸
石頭院事

承宗百世信良圖

公擬建來祖衣
鉢塔於石頭

丹絲綆

絕惟憑爾白髮愁長遠慰吾寄語祇園老長者幾
回清夜夢潛夫

輓白陸參

醉後仙毫濡墨奇黃庭漢隸寫新詩此番一字真
難購腸斷蛾江孝女碑
可嘅浮雲在路途皖江親老子尤孤奈何病死羈
漣水旅櫬天涯未易扶

題折柳圖送龔子畏先生歸毘陵

鄉關久別夢依稀怕向河干送客歸此去毘陵五
百里征帆一路掛晴暉

旦衡弟畫石索題

閒向亂草卓立璞中原具趙璧今日下邳素書他
年穀城黃石

訪程斗文孝廉時偕徹源和尚即席分韻

為訪幽人約曉行蒹葭一水到門清空庭野卉沿
階長曲徑蒼苔過雨生香放畹蘭沾露氣風吟銀
杏助秋聲淹留竟日還山晚嘗徧荆湖錦帶羹

賤辰履兄以詩見祝賦此謝之

雙溪肥遯自甘休一事無能愧白頭每到黃梅辭
樹日終天永恨不勝愁

愛我還將素志陳十寒一暴道難親於今結想埋
名去石上空山作冷人

次恒印兄韻

書到茅檐下冰霜入手寒開函春夜靜讀罷曉風
殘如對梅花卧疑從白月看松關憐閉久良晤轉
艱難

寄尹半檐

向平事畢遂高眠將謂風塵可息肩意外蜃樓生
幻海亡家張儉老堪憐

那堪筆墨變干戈此日人心費揣摩不用埋名藏
複壁山中明月自來多

和張方萼先生秋懷元韻

弱柳雙溪剩幾株一龕且自守癡愚華陽石洞勞
魂夢淮水秋雲入畫圖菰米熟春香瓦鉢松柴碎
劈爨山廚道人近達窮通理梅萼榮時百卉枯

次敘天寄懷原韻

山樓隔水幾人過獨坐其如遠思何知己未來詩

漸少離情難遣病偏多西風萬里吹霜霰寒月三
更照薜蘿訪我不須愁寂寞一天清籟聽笙歌

丁亥歲暮喜家襄宸叔唐智伯兄來

迢遙五百里歲暮抵淮陰細問家園事重驚旅客
心貧交三世久夜坐一燈深明日如何別相看淚
滿襟

寄敘天會稽

鏡湖常恨不同過歲月紛馳奈老何千里音書春
日少一邨風雨夜來多愁中野夢迴宵柝望裏荒
城隔薜蘿山水會稽真入畫倩君爲我賦長歌

送尹半檐遊吳門

消夏纔歸一葉舟
布帆又挂楚江秋
還尋虎阜千人石
再上生公百尺樓
玉露酒斟杯在手
桂花香吐月當頭
長歌短賦知多少
綠水青山處處收

次爾嚴弟投贈韻

一帆春老到淮陰
聚首衙齋愜素心
源出中州分自昔
流歸鏡水合於今
雙溪古寺看花影
五里孤城隔磬音
兄弟相逢同努力
丈夫終不負曾襟

中秋日送燦怡書記

嬾散唯予甚精勤
愛爾真那堪佳節日
去作遠行

人砌下蛩聲碎
天邊雁陣頻
應酬需筆墨
歸計莫逡巡

秋日送會省上人

策杖尋山水
幽窗動別吟
只愁秋日客
易感老年心
問渡穿黃葉
看雲過碧岑
寒風吹破衲
望汝到淮陰

同誕登法起兩和尚金城曉行

挂壁燈猶在
征夫促起行
一鈎殘月照
四野曉雞鳴
戍鼓聽來遠
沙田踏去平
預愁分手處
南北路縱橫

送高念祖內翰之金陵兼柬王安節先生
君向江南一棹行家山寤寐遠關情霜凋衰柳無
人折水落平湖有雁鳴東閣曉寒梅破白西華塔
峙月虧明殷勤寄語王摩詰指日扁舟到石城

送家息園太守陞任霸昌觀察二首

三年淮海苦勞心五馬時猶過竹林小阮雖云閒
世外大宗猶喜附山陰青天萬口交聲頌白雪千
章隨意吟今日分巡畿甸去雲霄無路可追尋
驪歌欲唱又吞聲脈脈難爲去住情官署可憐隨
一鶴寺門無復列雙旌今朝淮海留春暖此後燕

山望月明衰柳青溪愁莫折飛花如雪滿江城

哭孟兄大來四絕

行年弱冠卽爲僧踏破雲山幾萬層瓢笠歸來成
老大依稀猶識舊金陵

千山環抱古秦淮茅屋寒家住水涯日久渾忘僧
是主驚從何處遠投齋

相看猶子淚紛紛痛哭嚴親不忍聞我欲吹墳音
斷絕滿林風雨葬孤墳

伯兄已死我空存蝴蝶灰飛拜墓門痛殺從今難
見面夢魂無計度朝昏

寄懷溫芝巖

別後勞勞歲月移
秣陵雲樹日相思
東風燕子來江上
不寄烏衣巷裏詩

楊廣文其益招同友人夜泛蕭湖限韻

蕭家湖上散晴煙
最好涼秋薄暮天
綠酒喜看名士讌
青衫閒坐野人船
桂輪似鏡虧猶半
玉露如珠滴已圓
夜色此時真入畫
水光遙與白雲連
滿湖清氣望中收
月在晴波面上浮
野鶴閒人真得意
仙舟才子自風流
行過古岸尋蕭寺
遠隔垂楊隱畫樓
極目東南皆澤國
不須赤壁賦同遊

